

**SPORTSKO RIBOLOVNI SAVEZ FEDERACIJE BOSNE I HERCEGOVINE**  
SPORTSKO RIBOLOVNI SAVEZ SBK/KSB  
UDRUGA SPORTSKIH RIBOLOVACA VITEZ

**S T A T U T**  
**UDRUGE SPORTSKIH RIBOLOVACA**  
**V I T E Z**

Vitez, 17.02.2019. godine.

Na osnovu člana 14. i 18. Zakona o udruženjima i fondacijama ( Službene novine Federacije broj 45/02, Skupština UDRUGE SPORTSKIH RIBOLOVACA VITEZ, na sjednici održanoj 17.02.2019. godine donosi Statut USR Vitez.

# **S T A T U T**

## **UDRUGE SPORTSKIH ROBLOVACA VITEZ**

### **Misija**

Borba za zdrave rijeke i okoliš na teritoriji općine Vitez očuvanjem i revitalizacijom biljnog i životinjskog svijeta sliva rijeke Lašve putem vlastitog primjera i edukacijom članova o značaju ekologije i uticaju na zdravlje ljudi. Poticanjem volonterstva i pozitivnih promjena uticati na bolji kvalitet življenja.

### **Vizija**

Zdrave rijeke i potoci općine Vitez sa čistim okolišem i bogatim autohtonim ribljim fondom te potpuna ekološka i etička osviještenost ljudi.

## **I OPĆE ODREDBE**

### **Član 1.**

Statutom Udruge sportskih ribolovaca Vitez (u daljem tekstu **USR Vitez**), utvrđuju se naziv, sjedište, znakovi i ciljevi te zadaci USR Vitez, način organiziranja, aktivnosti, javnost rada i informiranja, izbor organa upravljanja, način programiranja rada, planiranja i financiranja, obavljanja stručnih poslova u USR Vitez, udruživanje u Sportski savez SBK/KSB, Federacije BiH, drugih sportskih asocijacija, te obavljanje i drugih poslova od značaja za rad i aktivnosti USR Vitez.

### **Član 2.**

USR Vitez je sportsko amatersko udruženje, koje ima za cilj promociju, organiziranje i razvoj sportskog ribolova na području općine Vitez, u koje se udružuju slobodnom voljom građani općine Vitez radi bavljenja sportskim ribolovom, turizmom i rekreacijom u prirodi radi unapređenja ribarstva i zaštite okoliša.

## **II NAZIV I SJEDIŠTE**

### **Član 3.**

Naziv Udruge je: **Udruga sportskih ribolovaca Vitez**. Sjedište Udruge je na adresi **Lašvanska b.b. Ribarski dom, 72250 Vitez, Bosna i Hercegovina**.

Udruga ima svoj pečat kružnog oblika sa tekstom:  
**"Bosna i Hercegovina, Federacija Bosne i Hercegovine, Udruga sportskih ribolovaca Vitez."** U središtu kruga je lik ribe.  
Udruga ima i svoj amblem koji simbolizira sportski ribolov.

#### **Član 4.**

Zastava USR Vitez je svijetloplave boje u omjeru 1: 2 na kojoj je ispisan naziv: **Sportsko ribolovni savez Bosne i Hercegovine**. Ispod tog teksta u sredini je utisnut lik lipljena. Ispod lika lipljena je natpis „**Udruga sportskih ribolovaca Vitez**“.

### **III ZASTUPANJE UDRUGE**

#### **Član 5.**

USR Vitez ima svojstvo pravne osobe u pogledu prava i obveza koje mu pripadaju po Zakonu o udruženjima građana Federacije Bosne i Hercegovine i Ustava Bosne i Hercegovine.

#### **Član 6.**

U skladu sa Statutom i drugim općim aktima Udruge, Udrugu sportskih ribolovaca Vitez zastupa predsjednik USR Vitez, tajnik Udruge ili neka treća osoba, ako je za to ovlasti Skupština USR Vitez.

#### **Član 7.**

USR Vitez je pridruženi član SRS KSB/SBK, SRS Federacije BiH, odnosno SRS Bosne i Hercegovine.

#### **Član 8.**

Broj delegata koje će Udruga imati u određenim savezima i asocijacijama, temelji se na aktima tih sportskih saveza i odlukama o pristupanju istim.

#### **Član 9.**

Sportski ribolovci, članovi USR Vitez, u međusobnim odnosima i društvenom životu pozdravljaju se sa pozdravom „**BISTRO**“

## **IV CILJEVI I ZADACI UDRUGE**

### **Član 10.**

USR Vitez svojom aktivnošću, doprinosi stvaranju uvjeta da se u njoj vrši masovnije okupljanje mladeži i građana, u cilju razvitka sportske kulture, ljubavi prema prirodi i zaštiti okoliša, te razmjeni iskustava sa srodnim udruženjima.

### **Član 11**

#### **Ciljevi i zadaci udruge su:**

1. Da okuplja ljubitelje prirode, ribolovnog sporta i ribolovnog turizma, te organizirano djeluje u pravcu unapređenja i zaštite ribljeg fonda i opće zaštite čovjekove okoline.
2. Da u duhu sportskog amaterizma kod svojih članova razvija sportsku vještinu, sportsku kulturu, osjećanje solidarnosti i svijesti o potrebi zaštite i unapređenja čovjekove okoline, prioritetno ribljeg fonda, te ukupne flore i faune u rijekama i jezerima.
3. Da kod članova razvija osjećaj za važnost vodotokova i obvezu njihove zaštite, kroz razne akcije, čišćenja i čuvanja.
4. Da organizira i provodi takmičenja i učestvuje na takmičenjima koje organizira SRS KSB/SBK, SRS Federacije i SRS Bosne i Hercegovine.
5. U skladu sa Zakonom o slatkovodnom ribarstvu FBiH i Ribolovnom osnovom za područje općine Vitez, odnosno vodama koje dobije na upravljanje, donosi godišnje planove i programe zaštite i unapređenja ribolovnih voda i ribljeg fonda.
6. Da putem svojih organa prati i analizira pitanja i problematiku ribolovnog sporta, ribljeg fonda i ribolovnih voda i poduzima konkretne mjere i akcije za racionalno korištenje ribljeg fonda i njegovo pravovremeno obnavljanje, osiguravajući za to sredstva iz vlastitih izvora, proračuna općine, SBK/KSB i Federacije BiH, te drugih izvora koji imaju istu obavezu.
7. Da surađuje sa privrednim organizacijama koje proizvode riblju mlad i sa njima udružuje sredstva, usklađuje programe i planove i sprovodi

akcije približavanja ribolovnih voda kojima upravlja u skladu sa zakonom.

8. Da pravovremeno informira članove USR Vitez, općinske organe i inspeksijske službe o svom radu, surađuje sa vodoprivrednom inspekcijom kantona u cilju zaštite ribljeg fonda i voda.
9. Da vrši i druge zadatke i poslove od interesa za članove udruge i društvenu zajednicu, a sve u skladu sa zakonom, te motivima udruživanja.

## **V- ČLANSTVO, PRAVA I OBAVEZE ČLANOVA**

### **Član 12.**

Članstvo u USR Vitez je dobrovoljno, a čine ga sportski ribolovci koji mjesto prebivališta imaju na teritoriji općine Vitez ili drugih općina u SBK/KSB. Članom može postati svaki građanin koji prihvati odredbe ovog Statuta i druga opća akta USR Vitez, postupa po njima, plaća članarinu, ribolovnicu i položi ribarski ispit.

Visinu članarine određuje Upravni odbor USR Vitez, usklađujući ga sa mogućnostima članstva, obvezama prema SBK/KSB, SRS Federacije BiH, te propisanim uvjetima od strane zakonodavca.

### **Član 13.**

Članovi USR Vitez, mogu biti redovni i kolektivni. Redovni članovi su pojedinačni članovi USR Vitez, a kolektivni članovi mogu biti udruženja građana, ako za to imaju interes.

### **Član 14.**

Redovni članovi su:

- Djeca do navršениh 14 godina starosti
- Omladina od 14 do 18 godina starosti
- Odrasli članovi -seniori i seniorke- stariji od 18 godina

### **Član 15.**

Prijem u članstvo se vrši pojedinačno na osnovu pismene pristupnice za punoljetne osobe, te na osnovu pismenog pristanka roditelja djece i omladine mlađih od 18 godina.

## **Član 16.**

Članstvo u USR Vitez dokazuje se članskom iskaznicom za tekuću godinu, čiji sadržaj i oblik propisuje Kantonalni savez ili SRS Federacije BiH, radi istovjetnosti na prostorima Federacije BiH.

## **Član 17.**

Član USR Vitez je dužan da se pridržava odredbi ovog Statuta, odredbi Zakona o slatkovodnom ribarstvu Federacije i Kantona, te dužnosti i obveza koje proističu iz ovih akata, redovno plaća članarinu, poštuje sportski kodeks i propise na vodama kojima upravljaju druga udruženja kada na njihovim vodama vrši ribolov, bude pretplaćen na ribolovne novine SRS BiH, čime stiče pravo na godišnju ribolovnu dozvolu uz propisanu naknadu.

## **Član 18.**

USR Vitez, vodi Matičnu knjigu i druge knjige članstva. Knjigovodstvo se može voditi i putem informatičkih pomagala ukoliko USR Vitez ima za to odgovarajući softver, a što se reguliše odlukom Upravnog odbora. Član USR Vitez, može istovremeno biti i član drugih SRD u BiH.

### **Prava člana USR Vitez su:**

1. Da bira i bude biran u organe upravljanja USR Vitez.
2. Da putem delegata u Skupštini USR Vitez, učestvuje u procesu pripremanja i donošenja odluka i zaključaka o svim bitnim pitanjima iz oblasti rada i djelovanja USR Vitez.
3. Da se bavi sportskim ribolovom na području općine Vitez i na području članica SRS Federacije BiH, čiji je USR Vitez pridruženi član, a u skladu sa Zakonom o slatkovodnom ribarstvu i odlukama Kantonalnog saveza i udruženja.
4. Da u okviru programa rada USR Vitez, kao cjeline i osnovne organizacije za organiziranje članstva sprovodi mjere zaštite i unapređenja ribljevog fonda, zaštite ribolovnih voda i riječnih obala.
5. Da pokreće inicijative putem Upravnog odbora Udruge, kod nadležnih inspekcijskih organa općine i kantona, po svim pitanjima iz oblasti rada USR Vitez, kao i unapređenja stručnih službi USR Vitez.
6. Da saraduje u tisku, WEB portalima, SRS Kantona i SRS Federacije BiH i drugim oblicima informiranja i promidžbe ribolovnog sporta,

7. Da učestvuje na takmičenjima koje organizira Udruga, izletima i drugim zajedničkim akcijama, te ostvaruje i druga prava koja mu pripadaju na osnovu ovog Statuta i drugih općih akata i zakona.

## **Član 20.**

### **Dužnosti člana USR Vitez su slijedeće:**

1. Da se pri vršenju sportskog ribolova pridržava Zakona o slatkovodnom ribarstvu i Pravilnika o zaštiti i unapređenju ribljeg fonda, kako na području općine Vitez tako i na ribolovnim vodama drugih općina, te odredaba i propisa donešenih na osnovu ovog Statuta i drugih zakonskih akata.
2. Da izvršava sve statutarne i druge obveze kao i odluke koje donose tijela USR Vitez i tijela SRS Kantona i SRS Federacije BiH.
3. Da uredno i blagovremeno plaća članarinu i podmiruje druge materijalne obveze koje proističu iz Statuta i drugih općih akata i odluka organa upravljanja USR Vitez. Da izvršava i posebne obveze koje se sastoje u izvršavanju obveza kroz zaštitu ribljeg fonda, čije ispunjavanje predstavlja uvjet za sticanje prava na godišnju ribolovnu dozvolu uz utvrđenu naknadu.
4. Općim aktom kojim se određuju posebne obveze članova u zaštiti ribljeg fonda, može se odrediti da se umjesto izvršenja posebno obvezujućih aktivnosti, kao što su radne akcije, rad u ribočuvarskoj službi itd., propiše novčana naknada u slučaju da član nije u mogućnosti izvršiti obaveze, a radi sticanja uvjeta za dobivanje godišnje ribolovne dozvole.

## **Član 21.**

Članstvo u USR Vitez može prestati istupanjem, brisanjem ili isključivanjem. Smatra se da je član istupio, ako izričito i nedvomisleno izjavi da to želi. Član USR Vitez se briše iz članstva, ako za tekuću godinu ne plati članarinu, ako izgubi državljanstvo BiH ili ako premine. Član se isključuje iz članstva u USR Vitez, ako djeluje suprotno ciljevima osnivanja društva, ne sprovodi odredbe ovog Statuta ili narušava ugled USR Vitez.

O brisanju ili isključenju iz članstva odluku u prvom stupnju donosi Upravni odbor USR Vitez, na prijedlog Disciplinskog suda Udruge. U drugom stupnju odluku donosi Skupština USR Vitez, čija je odluka konačna i član na nju nema pravo žalbe.

## **VI - SEKCIJE USR VITEZ**

### **Član 22.**

Članstvo može biti formirano kroz rad u sekcijama o čemu odluku donosi Skupština USR Vitez, prema ukazanoj potrebi.

### **Član 23.**

Sekcija se može formirati ako inicijativu za formiranje podnese minimalno 15 članova USR Vitez.

## **VII ORGANI UPRAVLJANJA USR VITEZ**

### **Član 24.**

**Organi upravljanja USR Vitez su:**

- 1. Skupština USR Vitez**
- 2. Upravni odbor USR Vitez**
- 3. Nadzorni odbor USR Vitez**

## **SKUPŠTINA USR VITEZ**

### **Član 25**

Skupština USR Vitez je najviši organ upravljanja, koji svoje zadatke i funkciju ostvaruje neposredno putem svojih organa i tijela.

### **Član 26**

Skupštinu čine članovi USR Vitez. Skupština se sastaje po potrebi, a minimalno jednom godišnje.

### **Član 28.**

Vanredna sjednica Skupštine USR Vitez se može sazvati kad to zatraži:

- Upravni odbor
- Nadzorni odbor
- Najmanje 1/3 članova u Skupštini USR Vitez pisanim putem, kod tajnika USR Vitez, a što je tajnik dužan predočiti na sazvanoj sjednici Skupštine.



## **Član 29.**

Skupštinom USR Vitez, predsjedava Predsjednik Skupštine USR, koji je ujedno i Predsjednik UO ili zamjenik predsjednika. Skupština donosi punovažne odluke, ako joj prisustvuje više od polovine broja delegata u Skupštini. Odluke se donose javnim glasanjem, ili tajnim, ako Skupština odluči da se o nekom pitanju glasa na taj način.

## **Član 30.**

Skupština USR Vitez saziva se na osnovu pismenog poziva članovima ili objavom u medijima (TV, radio, internet...). Poziv se dostavlja minimalno 7 dana prije zasjedanja Skupštine.

## **Član 31.**

### **Skupština USR Vitez nadležna je:**

- Da donosi i mijenja Statut USR Vitez, na prijedlog Upravnog odbora ili delegata u Skupštini,
- Donosi Pravilnik o radu Skupštine,
- Utvrđuje Program rada za narednu godinu i donosi Plan prihoda i rashoda, te usvaja Završni račun USR Vitez,
- Donosi odluke o uvjetima i kriterijumima za vršenje sportskog ribolova u skladu sa Zakonom i odlukama kantonalne i Skupštine SRS F BiH,
- Utvrđuje plan mjera zaštite i unapređenja ribljeg fonda za tekuću godinu u skladu sa Ribarskom osnovom i Programom razvoja ribarstva na području općine Vitez,
- Utvrđuje kriterije i bira delegate za kantonalnu i Skupštinu SRS F BiH i SRS BiH,
- Bira Predsjednika, zamjenika predsjednika, članove Upravnog odbora, Nadzornog odbora te tajnika Udruge
- Odlučuje o vršenju djelatnosti u okviru USR Vitez, koji nisu osnovni ciljevi i zadaci društva, o čemu pribavlja odgovarajuću saglasnost općinskih i kantonalnih tijela inspekcije. U drugom stepenu donosi konačnu odluku o disciplinskoj odgovornosti članova USR Vitez, a po odlukama Upravnog odbora

### **Član 32.**

Skupština radi na osnovu Poslovnika o radu i odredbama ovog Statuta.

## **UPRAVNI ODBOR USR VITEZ**

### **Član 33.**

Upravni odbor USR Vitez, je operativno izvršno tijelo Skupštine USR Vitez, a bira se iz redova članova na mandat od 4 (četiri) godine. Upravni odbor, predsjednika UO i zamjenika predsjednika UO bira Skupština sportskih ribolovaca Vitez.

Mandat Predsjednika Udruge - Upravnog odbora - je dvije (2) godine, a nakon toga ulogu predsjednika preuzima Zamjenik predsjednika Upravnog odbora. Ukoliko zamjenik predsjednika nije u mogućnosti obavljati funkciju istu nastavlja obavljati Predsjednik. Pri izboru Skupština mora da vodi računa o zastupljenosti svih nacionalnosti u Upravnom odboru.

Predsjednik i zamjenik predsjednika moraju biti različitih nacionalnosti.

### **Član 34.**

#### **Upravni odbor USR Vitez, nadležan je da:**

- Poduzima konkretne aktivnosti, mjere i radnje radi realizacije ciljeva i zadataka USR Vitez, a u skladu sa Planovima i programima rada, odlukama i zaključcima Skupštine društva, te odredbama ovog Statuta,
- Podstiče rad sekcija i svojih radnih tijela i oblika djelovanja,
- Vršiti putem svoje stručne službe (komisije) prijem u članstvo, te organizira za novoprimljene članove polaganje ribarskog ispita
- Stara se o sprovođenju zakonskih odredaba i općih akata USR Vitez,
- Priprema sjednice Skupštine USR Vitez,
- Podnosi prijedloge za izmjenu Statuta i drugih općih akata, koje usvaja Skupština društva,
- Priprema prijedloge za donošenje Plana prihoda i rashoda za tekuću godinu, prijedlog Završnog računa, te prijedloge Plana zaštite i unapređenja ribljeg fonda za tekuću godinu,
- Donosi Kalendar sportskih takmičenja za tekuću godinu,
- Razmatra i zauzima stavove po izvješćima Nadzornog odbora, te Komisija koje formira Upravni odbor za potrebe rada društva,
- Donosi Odluku o sazivanju vanredne sjednice Skupštine USR Vitez,
- Razmatra Izvještaj disciplinskog suda društva, te donosi odluke o odgovornosti članova u prvostepenom postupku,
- Donosi cjenik ribolovnice i utvrđuje cijene dozvola za tekuću godinu

### **Član 35.**

Radom Upravnog odbora predsjedava predsjednik, koji je ujedno i predsjednik USR Vitez, a u odsutnosti ga zamjenjuje zamjenik. Upravni odbor se sastaje po potrebi između sjednica Skupštine. Upravni odbor broji 7 (sedam) članova, a na sjednicama se odlučuje ako je prisutno više od polovine od ukupnog broja članova Upravnog odbora. Odluke se donose javnim glasanjem. Sastanak Upravnog odbora je slobodan za sve članove USR Vitez, s tim da pravo glasanja imaju samo članovi UO.

### **Član 36.**

Upravni odbor bira predsjednike i ostale članove Komisija iz redova ukupnog članstva USR Vitez.

## **TAJNIK USR VITEZ**

### **Član 37.**

Tajnika Udruge bira Skupština društva.

Tajnik ne može biti član Upravnog odbora, Nadzornog odbora, Disciplinskog suda te niti jedne komisije Upravnog odbora.

Zadaci tajnika su :

- Realizira provedbu odluka, zaključaka i drugih odredbi koje mu naloži Upravni odbor,
- Priprema i distribuira materijale koji će se razmatrati na sjednicama Skupštine, Upravnog odbora i ostalih tijela Udruge,
- Vodi zapisnike na sjednicama tijela Udruge,
- Vodi evidencije o blagajni Udruge,
- Brine o nabavci, distribuciji, zaduženju i razduženju članskih knjižica, markica i ribolovnih dozvola,
- Vodi evidencije o novčanim obvezama Udruge,
- Komunicira sa Upravnim odborom radi rješavanja tekućih pitanja,
- Neposredno komunicira sa organima i tijelima Udruge kao i sekcijama, zaprimajući od njih inicijative upućene Upravnom odboru,
- Obavlja povjerene mu stručne poslove i vodi potrebne evidencije Udruge.

### **Član 38.**

Upravni odbor donosi svoj Poslovnik o radu, te obrazuje stalne i povremene komisije. Poslovnikom o radu preciznije se određuju nadležnosti pojedinih komisija.

## **Stalne komisije Upravnog odbora USR Vitez su:**

- **Disciplinski sud** je tijelo Upravnog odbora, koji je samostalan u svom radu. Broji tri člana i njihov mandat je četiri godine. Disciplinski sud radi na temelju općih akata, Odluke o formiranju, gdje se propisuju njegovi zadaci i nadležnosti. Član disciplinskog suda ne može biti član Upravnog odbora,
- **Ribočuvarska služba** sastoji se od dva ovlaštena ribočuvara, te ostalih članova koje Upravni odbor angažira po potrebi. Služba radi u suglasnosti sa odredbama Zakona o slatkovodnom ribarstvu i Odredbama Pravilnika o odštetnom cijenovniku. Putem tajnika Udruge podnosi prekršajne i krivične prijave protiv članova Udruge i ostalih subjekata koji ugrožavaju riblji fond i zagađuju vodotokove. Ova služba prilikom kontrole pojedinaca na rijekama mora imati adekvatna obilježja i ovlaštenja propisana zakonom.
- **Komisija za sportska takmičenja** broji tri člana. Zadatak joj je da priprema Planove i programe sportskih takmičenja koje organizira USR Vitez. Priprema i organizira polaganja sudijskih ispita te priprema sudije i takmičare Udruge za odlazak na razna takmičenja.
- **Komisija za zaštitu ribljeg fonda.** Ova komisija broji tri člana. Zadatak joj je da u skladu sa zakonom i u skladu sa Ribolovnom osnovom, donosi Plan mjera zaštite i unapređenja ribljeg fonda, koordinira rad sa vodoprivrednom inspekcijom kantona, koordinira rad sa ribogojilištima, te sačinjava Prijedlog plana poribljavanja, izlova za tekuću godinu u skladu sa preuzetim zakonskim obavezama te koristi mjere podsticaja za razvoj ribarstva.

## **NADZORNI ODBOR**

### **Član 39.**

Nadzorni odbor nadzire rad svih organa i komisija USR Vitez, prati njihov rad, nadzire provođenje statutarnih odredbi, odluka, ugovornih i drugih obaveza, trošenje novčanih sredstava, te poduzima i druge aktivnosti iz djelokruga svog rada. Nadzorni odbor ima tri člana, koje bira Skupština USR Vitez. Mandat članova Nadzornog odbora je 4 godine.

Za svoj rad Nadzorni odbor, odgovoran je samo Skupštini društva, kojoj najmanje jednom godišnje podnosi izvještaj o radu.

## **IZVANREDNE PRILIKE**

### **Član 40.**

U slučaju izvanrednih prilika, kada nije moguće sazvati Skupštinu USR Vitez, Upravni odbor je ovlašten da donosi privremene odluke iz domena rada Skupštine, sve dok traje izvanredno stanje. Tako donesene odluke su na snazi do prve naredne redovne Skupštine USR Vitez, koja mora o njima odlučiti prema odredbama ovog Statuta.

## **SPOROVI**

### **Član 41.**

Sporovi koji nastaju između pojedinih organa i tijela USR Vitez, rješavaju se isključivo na nivou USR Vitez i Skupštine Udruge kao i arbitražnom komisijom Kantonalnog saveza, te Saveza sportskih ribolovaca F BiH.

### **Član 42.**

USR Vitez i njegovi članovi nisu ovlašteni da pred redovnim sudovima u FBiH iznose svoje sporove, koje mogu riješiti unutar same Udruge, izuzev u slučajevima krivične odgovornosti.

## **DISCIPLINSKA ODGOVORNOST**

### **Član 43.**

Članovi USR Vitez, i djelatnici stalno uposleni u USR Vitez, mogu biti kažnjeni radi kršenja odredaba ovog Statuta, Pravilnika o zaštiti i unapređenju ribljeg fonda, prema Pravilniku o disciplinskoj odgovornosti USR Vitez, kojim se određuju prekršaji, te vrsta i visina kazne.

Protiv svih odluka donešenih u svezi aktivnosti i djelatnosti koje iziskuju sankcije, članovi Udruge i stalno uposleni djelatnici mogu izjaviti žalbu Upravnom odboru u prvostepenom postupku, odnosno Skupštini društva u drugostepenom postupku.

## **PRIHODI USR VITEZ**

### **Član 44**

Za tekuću godinu Skupština Udruge je obvezna donijeti Plan prihoda i rashoda. Prihodi USR Vitez ostvaruju se iz slijedećih izvora:

- Dotacija iz proračuna za razvoj sporta putem općinskog sportskog saveza
- Dotacija od vodoprivredne zajednice FBiH
- Članarina
- Donacija od raznih subjekata
- Od uzgoja i razmjene mladi
- Naplata kazni od ribokradica i zagađivača
- Donacije i sredstva iz budžeta
- Mjera podsticaja Ministarstva poljoprivrede
- Ostalih izvora

#### **Član 45.**

Ovlaštene osobe za potpis novčanih naloga i akata su predsjednik USR Vitez i tajnik Udruge, koji svoje potpise moraju deponovati kod banke, izabrane za platni promet društva. Odluku o eventualnoj izmjeni ovlaštenih potpisnika može donijeti Upravni odbor, ali samo uz pismenu suglasnost navedenih potpisnika iz ovog člana.

### **ZAVRŠNE ODREDBE**

#### **Član 46**

USR Vitez, prestaje sa radom, ako to odluči dvotrećinska većina od ukupnog broja članova koji su na popisu u matičnoj knjizi članstva za tekuću godinu. Imovina koja ostane po prestanku rada Udruge pripada općini Vitez.

#### **Član 47.**

Imovina USR Vitez, stečena do dana usvajanja ovog Statuta, a koja nije vraćena u posjed ili je otuđena, će se od strane ove Udruge potraživati putem nadležnih sudskih tijela i tijela općine Vitez. Upravni odbor Udruge zadužen je za sprovođenje ove Statutarne odluke.

#### **Član 48**

Donošenjem ovog Statuta, prestaju da važe odredbe Statuta donesenog 19.02.2000. godine po rješenju Ministarstva pravde Županija središnja Bosna/Srednjobosanski kanton.

#### **Član 49**

Ovaj Statut stupa na snagu danom donošenja. U skladu sa njegovim odredbama zatražit će se izmjena Rješenja o registraciji Udruge kod nadležnog Ministarstva, te uskladiti pečat i ostala akta sa odredbama Statuta u roku od 30 dana od dana donošenja.

#### **Član 50.**

Statut je napisan na jezicima naroda BiH i svaka varijanta je ravnopravna u korištenju istog.

PREDSJEDNIK SKUPŠTINE  
USR Vitez  
Dragan Jonjić